



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

A Deo & sacris alienus.

urn:nbn:de:hbz:466:1-14259

POPULUS JUDAICUS. CAP. IV.

A ET populus Judaicus, utpote qui sublimioris doctrina, qua in Divinis eorum literis delitescit, *Judaicorum intellectum minimè percipiunt, simplicitatemque scriptorum tantum prosequuntur, ob hujus comparationem modi stuporem & imperitiam Asinæ assimilatur, quam Christus posthabuerit incenso ejus pullo, qui factus est ea doctrina dignus, quam ille nos docuit. Asina enim illa, ut Græci Theologi deprehendere, populi prioris symbolum fuit, qua scripti onus pertulerit: est enim animal ad onera tantum & labores genitum, ut Eucherius dicit, super quam Apoſtoli vestimenta sua injecere, hoc est, veterem hominem exuere. Pullus vero, de quo Zacharias: *Ecce Rex tuus veniet tibi justus, & salvator ipse pater*. Capit. 9. per sedens super pullum *Asina*, propter pristinam imperitiam, juniores indicabat populum, *Asina* quidem filium, ut Evangelista cum plerisque aliis reddidere, non nulli filium subjugalis posuere, anima- lis quippe, quod operibus & officiis servilibus omnibus subjicitur: plerique Gentilium nationem appellarent, quæ Christum incidentem tulit, promissamque à Prophetis & lege salutem minime despexit: Agnovit enim *Asinus pro se Domini sui*. Hoc porro citato Eucherius: *Per Asellum, ait, quem infedit Dominus, simplicitas fidelium exprimitur: plebs scilicet quæ Dei notitiam non habebat, quam Christus regendo & praesidendo, ad Hierusalem, hoc est, ad pacis conspectum: adducit.**

A DEO ET SACRIS ALIENUS. CAP. V.

A Sinum porro Ægyptii adeo impurum exstibabant, ut animal etiam draconiacum arbitrarentur, propter quandam cum eo similitudinem. Quo vero ostenderent eum admirari sacris minime debere, hominem cum cespite positis in terram genibus affingebant, cum ense ad macerationem parato, sed manibus post terga religatum: inde Asinum apponebant, eventum rei nimis fore irritum indicantes. Oderant autem id animal Ægyptii, non propter imperitiam & ineptias tantum, & contumeliosam ejus naturam, verum propter colorem etiam ex albo nigro confucatum, quem à Deorum sacrificiis alienum abominabantur. Erat vero apud eos mos, ut Asinum ludibriis omnibus incesserent, iuto cespitibusque passim impetum, contis etiam stimularent, quaque se locus offerret opportunus, præcipitem agerent. Unde proverbium in contemptibiles despiciatissimosque homines emanarit, *Asinus Ægyptius*. Apud Hyperboreos tamen institutas dicit Pindarus κλειτος ὄνως επανίμενος, illi enim Apollini Asinos macabant. Nam ut apud Callimachum legere est,

Τέρπωστος λιπαροὶ Φαιτοὶ ἵνος Θαγάται.
Exhibuant pingues Phœbūm epule ex Asino.

Citat Apollodorum etiam Clemens Stromatis, de hujusmodi sacrificio. Gaudere vero Apollinem vita arbitrum, eorum jugulatione dicunt, propter assultus, quos indicio vivacitatis in cæde faciunt, difficulterque occidi: lōeant magnis quantumlibet istibus percussi. Quantum vero pertinet ad impuritatem, apud' alios unu Priapo facer habebatur, ob verendi scilicet enormitatem, qua supra modum prædicti sunt Asini: atque inde sunt ad generandum admodum segnes, compertumque est omnes alios ea genitalis productione conspicuos ad generationem ineptos esse, quod in emissione per eam longitudinem semen transmeans & hebetetur, & frigidius fiat. Neque vero nostro tantum tempore viri hujusmodi Asinorum instar habentur, sed olim etiam, ut gratissimus ille Imperatori Commodo, qui de pene ultra animalium modum prominente *Onos* appellatus est, eaque de causa datus, & Herculis sacerdotio præpositus. Tacebo Heliogabili emissarios, in hujusmodi genus monstrorum conquisitionem: tacebo nostrorum etiam temporum opprobria.

S 3

EGRE-

*Egyptiorū
odum in A-
sinum.*



*Asinus cuius
Priapo di-
catus.*